

ՄՏԵԻ ԼՈՒՍԱՒՈՐՈՒԹԻՒՆ ԽՆԴՐԵԼՈՒ ԱՂՕԹԸ

Շնորհակալութի՛ւն քեզի, ո՛վ Աստուած՝ մեր տէրը, որ քու տեսանելի լոյսովդ ուրախացուցիր մեզ՝ քու բոլոր արարածներդ, իսկ քու պատուիրաններդ հոգեւոր լոյսովը լուսաւորեցիր քեզի հաւատացողները: Մե՛զ ալ գորացու՛ր, Տէ՛ր, որպէսզի կարենանք քու պատուիրաններդ պահել այսօր եւ ամէն ատեն, որպէսզի լուսաւորուած միտքով՝ միշտ քու կամէ՛դ կատարենք եւ քու պատրաստած բարիքներդ հասնինք բոլոր սուրբերդ հետ միասին, մեր Տիրոջ եւ Փրկչին՝ Յիսուս Քրիստոսի պարգեւած շնորհքովն ու մարդասիրութեամբը: Անո՛ր կը վայելեն փառքը, իշխանութիւնն ու պատիւը, այժմ եւ միշտ եւ յաւիտեանս յաւիտենից: Ամէն:

Դո՛ւն ես մեր խաղաղութիւնն ու կեանքը, ո՛վ Միածին Որդի Աստուծոյ, մեր Տէրն ու փրկիչը՝ Յիսուս Քրիստոս: Տո՛ւր մեզի քու խաղաղութիւնդ, որ սուրբ առաքելներդ շնորհեցիր՝ անոնց վրայ փչելով կենդանացնող եւ ամենագոր քու Սուրբ Հոգիդ: Որպէսզի մե՛նք ալ աշխարհէն եկող ամէն տեսակի փորձութիւններէն խաղաղած՝ տանք եւ բնակարան դառնանք աստուածային շնորհքներդ, եւ շնորհակալութեամբ փառաւորենք քեզ՝ ո՛վ Քրիստոս, մեր Աստուածը, Հօրը եւ Սուրբ Հոգիդ հետ միասին. այժմ եւ միշտ եւ յաւիտեանս յաւիտենից: Ամէն:

Փամագիրք

ՅԱՅՏԱՐԱՐՈՒԹԻՒՆ

ԵՐԵՔՇԱԲԹԻ ԳԻՇԵՐՈՒՄՆ
ՍՈՒՐԲ ՊԱՏԱՐԱԳ

Կազմակերպութեամբ Կրօնական Ժողովին եւ Ազգային Առաջնորդարանի Երիտասարդական Յանձնախումբին, Երեքշաբթի, 30 Ապրիլ 2019-էն սկսեալ եւ ամէն Երեքշաբթի գիշեր, ժամը 7:00-8:00, Պուրճ Համուտի Ս. Վարդանանց Եկեղեցոյ մէջ պիտի մատուցուի սուրբ պատարագ:

Սուրբ պատարագը պիտի երգէ հաւատացեալ ժողովուրդը: Սուրբ պատարագի ընթացքին, հոգեւոր խորհրդածութիւն պիտի կատարէ Լիբանանի Հայոց Առաջնորդ՝ Գերշ. Տ. Նարեկ Արքեպիսկոպոս:

Այս սուրբ պատարագին նպատակն է առիթ տալ մեր այն հայորդիներուն, որոնք Կիրակիի կողքին, շաբթուան ընթացքին եւս կը փափաքին Հայ Եկեղեցոյ հոգեւոր սնունդը ստանալ: Կը հրաւիրենք մեր ժողովուրդի զաւակները իրենց ամենօրեայ հեւքին մէջ պահ մը կանգ առնելու եւ աղօթքով Աստուծոյ ու իրարու հետ ըլլալու:

Սիրելի ընթերցող, ճՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»ը, կարդալու կամ անդամագրուելու համար:

ՀԱՍՅԷ.

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 - Tel/Fax:01-258300 - facebook-ի էջ jerak Ծրագր թերթ



ԲՈՒ ԽՕՍԲԴ ԽՄ ՈՏԲԵՐՈՒՄ ԶՐԱԳ Է ՈՒ ԽՄ ՇԱԽՂՆԵՐՈՒՄ ԼՈՅՍ (Ս. 119-105)

ԺԲ. ՏԱՐԻ

ԿԻՐԱԿԻ, 19 ՄԱՅԻՍ 2019

ԹԻՒ 20

ԿԻՐԱԿԻ ՕՐԵՐՈՒ ԱՍՏՈՒԾԱՆՉԱԿԱՆ ԸՆԹԵՐՅՈՒՄՆԵՐ
Գրծ. 17.1-15: Ա. Յհ. 1.1-10:
ՅԻՍՈՒՍ ԲՐԻՍՏՈՍԻ ԱԵՏԱՐԱՆԸ ԸՍՏ ՅՈՎՀԱՆՆՈՒ 7.14-24

ՏՕՆ ԵՐԵՒՄԱՆ Ս. ԽԱԶԻՆ

Տաղաւարահարաց տօնակատարութեան մօտաւորապէս կէսին, Յիսուս տաճար ելաւ եւ սկսաւ ուսուցանել: Հրեաները կը զարմանային եւ կ'ըսէին. «Ինչպէ՞ս այս մարդը Սուրբ Գիրքերը գիտէ, երբ բնաւ չէ ուսած զանոնք»:

Յիսուս պատասխանեց անոնց. «Ինչ որ ձեզի կ'ուսուցանեմ՝ իմ վարդապետութիւնս չէ, այլ՝ անորը որ զիս դրկեց: Ով որ կ'ուզէ Աստուծոյ կամքը կատարել, պիտի հասկնայ, թէ Աստուծմէ՞ է այս վարդապետութիւնը, թէ ես ի՛մ հեղինակութեամբս կը խօսիմ: Ան, որ իր հեղինակութեամբ կը խօսի՝ իր անձին համար փառք կը փնտռէ, իսկ ան, որ զինք դրկողին փառքը կը փնտռէ, ճշմարիտ է եւ խաբէութիւն չկայ անոր մէջ: Մովսէս ձեզի Օրէնքը չտուա՞ւ: Սակայն ձեզմէ ոչ ոք կը հնազանդի Օրէնքին: Ինչո՞ւ կ'ուզէք զիս սպաննել»:

Ժողովուրդը պատասխանեց. «Դիտեա՞ր ես, ի՞նչ ես: Ո՞վ կ'ուզէ քեզ սպաննել»:

Յիսուս պատասխանեց. «Հրաշք մը գործեցի եւ բոլորդ վրդովեր էք: Մովսէս հրահանգեց թլփատել ձեր զաւակները - թէն Մովսէս չէր սկսողը, այլ ձեր նախահայրերը - եւ դուք ձեր զաւակները կը թլփատէք Շաբաթ օրով: Եթէ մէկը կը թլփատէք Շաբաթ օրով, որպէսզի չքեկանուի Մովսէսի Օրէնքը, ինչո՞ւ զայրացած էք ինձի դէմ, որովհետեւ մէկը ամբողջութեամբ բժշկեցի Շաբաթ օրով: Երեսոյթներէն մի՛ դատէք, այլ արդար դատաստան կատարեցէ՛ք»:

**ՄԱՐԳԱՐԵԱԿԱՆ ԳԻՐԲԵՐ
ՊՕՂՈՍ ԱՌԱՔԵԱԼԻ ՆԱՄԱԿՆԵՐ**

**ԱՌԱՔԵԱԼՆԵՐՈՒ ԳՈՐԾԵՐԸ
17.1-15**

Ամփիպոլիս եւ Ապոդոնիա քաղաքները շրջել է ետք Պօղոս եւ Շիդա Թեսաղոնիկէ եկան, ուր հրեաներու ժողովարան մը կար: Պօղոս ըստ իր սովորութեան ժողովարան գնաց, եւ երեք Շաբաթ օրեր անոնց քարոզեց: Կը բանար ու կը բացատրէր Գիրքերը, անոնցմով կ'ապացուցանէր, թէ ինչպէս Քրիստոս պիտի չարչարուէր ու մեռնէր եւ յարութիւն առնէր, եւ կ'ըսէր. «Այն Յիսուսը գոր ես ձեզի կը քարոզեմ, ա՛ն է Քրիստոսը, խոստացած Փրկիչը»: Թեսաղոնիկեցիներէն ոմանք հաւատացին եւ Պօղոսի ու Շիդայի յարեցան: Նոյնպէս անոնց յարեցան շատ մը աստուածապաշտ յոյներ եւ նկատառելի թիւով երեւելի կիներ:

Հրեայ առաջնորդներ նախանձեցան, եւ փողոցներէն քանի մը դատարկապորտ անօրէններ հաւաքելով ամբոխ կազմեցին, ամբողջ քաղաքը խռովեցին եւ Յաստնի տան վրայ խուժեցին՝ Պօղոսն ու Շիդան բռնելու եւ ժողովուրդին առջեւ հանելու համար: Բայց երբ գանձեց չգտան, Յաստնն ու քանի մը ուրիշ հաւատացեալներ քաղաքէն տարին քաղաքի իշխաններուն առջեւ, պոռալով. «Այն մարդիկը որոնք ամբողջ աշխարհը իրար անցուցին, հիմա մեր քաղաքը եկեր են, եւ Յաստն իր տունը առեր է գիրեմք: Աստուծոյ թողորը կայսեր օրէնքներուն հակառակ կը գործեն, որովհետեւ ուրիշ թագաւոր մը կը նանչնան, Յիսուս անունով»: Այս խօսքերով անոնք խռովեցուցին ամբոխը եւ քաղաքի իշխանները: Սակայն իշխանները Յաստնէն եւ միւս քրիստոնեաներէն երաշխաւորութիւն առնելով ազատ արձակեցին գանձեմք:

**ՅՈՎՀԱՆՆԵՍ ԱՌԱՔԵԱԼԻ
ԸՆԴՀԱՆՐԱՎԱՆ
ԱՌԱՋԻՆ ՆԱՄԱԿԸ
1.1-10**

Մենք լսեցինք, մեր աչքերով տեսանք եւ մեր ձեռքերով շօշափեցինք Որդին, Բանը, որ սկիզբէն իսկ կեանքի ստեղծիչն է: Անկաւոյններէն կեանքն էր որ յայտնուեցաւ: Մենք տեսանք եւ կը վկայենք, ձեզի պատմելով անոր մասին, որ Հօրը հետ էր եւ այժմ մեզի յայտնուեցաւ: Ինչ որ տեսանք ու լսեցինք կը պատմենք ձեզի, որպէսզի դուք ալ մասնակից դառնաք այն հաղորդակցութեան որ մենք ունինք Հօրը եւ անոր Որդոյն Յիսուս Զրիստոսի հետ, եւ ձեր ուրախութիւնը կատարեալ ըլլայ: Ահա թէ ինչու կը գրենք ձեզի այս նամակը:

Պատգամը որ իրմէ լսեցինք եւ ձեզի կը փոխանցենք, սա է՝ թէ Աստուած լոյս է. բնաւ խաւար չկայ անոր մէջ: Արդ՝ եթէ ըսենք «հաղորդակից ենք իրեն» եւ միւս կողմէ շարունակենք խաւարի մէջ ապրիլ, կը ստենք ահա եւ ճշմարտութեան դէմ կը գործենք: Իսկ եթէ Աստուծոյ լոյսին մէջ քալենք, ինչպէս ինք լոյսի մէջ է, այն ատեն ճշմարտապէս հաղորդակից կ'ըլլանք իրարու, եւ իր Որդոյն Յիսուսի արիւնը կը սրբէ մեզ ամէն մեղքէ:

**ՀԱՐՈՒՆԱԿԵԼ
ԸՆԹԵՐՑԱՆՈՒԹԻՒՆԸ
ԱՍՏՈՒՄԾԱՇՇՈՒՆՉԷՆ: ՄԻՇՏ
ԱՍՏՈՒՄԾԱՇՇՈՒՆՉ ԿԱՐԴԱՆՔ:**

ՍՈՒՐԲԵՐ ԵՒ ՏՕՆԵՐ

Յինանց հիմնաքերոզ Կիրակին կը կոչուի Երեւման խաչ եւ յիշատակն է Երուսաղէմ՝ խաչի նշանի երեւումին:

351 թուի, Մայիսի 7-ին, Կիւրեղ Երուսաղէմացի հայրապետի ժամանակ, Երուսաղէմի մէջ օր ցերեկով երկինքի վրայ կ'երեւի խաչի նշանը՝ Գողգոթայէն մինչեւ Զիքենեաց լեռը: Լուսապայծառ խաչի նշանը կ'երեւի բոլորին: Ի տես գարմանահրաշ այս երեւոյթին, ժողովուրդն ու եկեղեցականները եկեղեցի կը մտնեն Աստուծոյ գոհութիւն եւ փառք մատուցանելու համար:

Կիւրեղ եպիսկոպոսը գարմանահրաշ այս դէպքը կը տեղեկացնէ Բիւզանդիոնի Կոստանդիանոս Կայսեր, եւ անոր կը խրատուէ քրիստոնէական իր ամուր հաւատքին համար: Կիւրեղ հայրապետի վերոյիշեալ գրութիւնը թարգմանուած է հայերէնի եւ կ'ընթերցուի Երեւման Խաչի տօնի օրը:

Երեւման Խաչի սրբոյ տօնը յատուկ է միայն հայերուն եւ յոյներուն: Կաթողիկէ եկեղեցին այս անունով խաչի տօն չունի:

Երեւման խաչի տօնը յատուկ շարական չունի, այլ՝ նոյն օրը կ'երգեն խաչի միւս տօներու շարականները, որոնցմով կը փառաբանուի խաչը:

**ԳԺՈՒԱՐՈՒԹԻՒՆՆԵՐՈՒ
ԺԱՄԱՆԱԿ, ԵԹԷ ՀԱՒԱՏՔՈՎ
ԱՂՕԹԵՆՔ՝ ԱՍՏՈՒԱԾ ՊԻՏԻ
ՕԳՆԷ ՄԵՉԻ**

1.- Ու նեղուիթեան օրը Զիս կանչես քեզի պիտի ազատեմ ու դուն զիս պիտի փառաւորես (Մաղժոս 50.15):

2.- Տէրը քու պահապանդ է: Տէրը քու աջ ձեռքիդ քով քու հովանիդ է: Ցերեկը արեգակը քեզ պիտի չգարնէ, ո՛չ ալ գիշերը՝ լուսինը: Տէրը քեզ ամէն չարէն պիտի պահէ, քու անձը պիտի պահպանէ: Տէրը քու ելլելդ ու մտնելդ պիտի պահպանէ ասկէ յետոյ մինչեւ յաւիտեան (Մաղժոս 121.5-8):

3.- Աստուծոյ խօսեցայ ձեզի, որպէսզի ինձմով խաղաղուիլն ունենաք: Աշխարհի վրայ նեղուիթիւն պիտի ունենաք, բայց քաջալերուեցէ՛ք, որովհետեւ ես յաղթեցի աշխարհին: (Յովհաննէս 16.33: Կարդալ նաեւ՝ Մատթէոս 11:25-30):

ԻՄԱՍՏՈՒՆ ԽՕՍՔԵՐ

Յոյսը հաւատքին յենարանն է: Վա՛յ անոր, որ այդ երկու անթացուպէն գրկուած կը մնայ:

Աստուած անգամ յոյսով ապրեցաւ, երբ իր Որդին Գեթսեմանիէն Գողգոթա կը բարձրանար: Վաղուան յարութեան յոյսն էր ատիկա:

Յոյսը եւ հաւատքը տկարները՝ հերոս եւ հերոսները Աստուած կ'ընէ:

Հայ եկեղեցին Յոյսը եւ Հաւատքը Մկրտութեան օրը կը դրոշմէ մանուկին նակատը Սրբալոյս Միլոնով: